

同安縣志卷之十三

灾祥

鷓飛石隕紀異也麟遊鳳鳴誌瑞也依古以來
休咎之徵屢見於史同之灾祥唐宋以前闕焉
莫考元明以後備錄於編欲其遇灾知懼和氣
致祥耳志灾祥

元至正二十六年七月丙辰大雷雨三秀山

明成化二十一年自春徂夏積雨連月田廬禾稼多
壞

同安縣志

卷之十三

灾祥

正德十三年粟一莖五穗

十六年大有年

正德末年多虎患

嘉靖七年八月初九日夜大風拔木發屋至初十日
曉雨下如注風乃止

十一年壬辰春雨雪同安地温無雪故老皆以為瑞
次年癸巳大熟惟荔枝龍眼枝葉憔悴乃知此果
宜温

十五年丙申十六年丁酉久旱大飢民多流殍

十七年甘露降凝木末如飴人爭採之御史李元陽
奏進薦之太廟是後十九二十二十一年俱有年
二十一年五月十三日將晡時海中氣蒸如霧有斷
虹飲海而起日下赤雲夾擁南飛至夜颶風大作
飛瓦拔木榕樹連數抱者俱絕根而仆百歲人所
未嘗覩云

一十三年甲辰二十四年乙巳相繼旱災斗米至二
百餘錢及潮民通糶穀賤斗米僅鬻錢三十文一
時存活愈於豐稔

同安縣志

卷之十三

災祥

二

二十六年丁未七月初九日夜大雨達旦溪流泛漲
城不沒者三版識者曰水兵象也是冬安溪流賊
百餘人突至多所殺掠

三十二年縣西郭氏宅產芝一本甚奇人爭往觀

三十六年冬訛言有馬精其來也見火星隕地婦人
犯之輒昏仆以桃柳枝鞭之乃甦否則死縣境戶
懸桃柳夜則聚婦女露坐男子環守之鳴鑼鼓達
旦令徐宗奭諭禁不能止會有黃冠鬻符於市令
曰此必爲祟者捕而訊之搜其囊果得所爲火星

以硫磺和樟腦爲丸置火其中裹以濕紙處之則熾衆始釋然而妖遂絕

三十七年三月十二日大雨雹鴻漸山石墜自五月至十一月大荒疫四十四年三月二十七日疾風雷雨方未時忽昏如夜息尺不辨行人阻駭至申盡乃稍開霽

隆慶四年有靈芝一莖紺色金圈產於東山

萬歷七年己卯大旱蝗饑僅六月乃雨

八年庚辰大歉

同安縣志

卷之十三

災祥

三

九年辛巳五月初三日長興從順蛟起大雨如注壞城舍溺人無數

二十二年甲午二月初八日雨黑水

二十四年丙申地生黑毛寸許類猪鬃

二十五年丁酉正月大雨雹三月初十日又雨雹大者如鷄卵破瓦傷稼澳頭沿海一帶尤甚又有黑雲一片如簸箕大白縣中出南城而去所過屋瓦俱動至劉五店尤甚

三十一年癸卯八月初五日颶風大作潮湧數丈沿

海民居塚田漂沒甚衆船有泊於庭院者泗洲幾
爲巨浸董水石梁漂折二十餘間是日漳泉販呂
宋者數萬人駢首爲番僧所殺此殆其沴云

三十二年甲辰十一月初九日酉時地大震其聲如
雷城郭廬舍多傾頽地有裂開丈許泥水溢出者
踰月乃止

三十二年甲辰有年

三十八年己酉有年

三十九年庚戌有年

同安縣志

卷之十三

灾祥

四

三十九年六月有大星尾若彗照地有光隕於南方
六小星隨之其聲如雷

四十六年三月庚辰大雨雹

四十七年諸生陳文瑞葬父墓土甫竣墳堆忽產靈
芝一莖越年文瑞登第

四十七年三月二十一日卯刻天色忽晦有物從長
泰之萬丈潭起大雨雹隨之其一經邑之海豐漳
尾下崎馬巷至香山其一經豪嶺亭溪至西山食
頃乃止雹大如盪擊斃人畜甚夥松柏皆去皮而

枯

崇禎十二年元旦城南火

十三年正月初七夜雨豆扁而細或黑或黃里民有掃之盈升者

十六年紅雨降於從順里西塘張玠家色如朱是年玠領鄉薦

國朝順治十一年甲午十二月潦洩及五蘆山後忽地中有烟冲起其氣逼人三日不散泉湧如血人皆以爲異或曰此縣治龍脈所經也

同安縣志

卷之十三

災

五

十三年丙申正月十六日大雪深尺許時馬總兵興役築城民苦寒

康熙元年壬寅大磬人見海中有面魚立於波上見人笑而沒越明年遷界

三年甲辰安柄有人晨起見巨蛇有角以角挂荔樹中偏反如鞦韆狀驚走未數日而蛟見大水壞廬舍漂人畜無算

五年有虎患小盈新塘大路行人多爲所噬

五年丙午松田陳氏宅產靈芝是年陳睿思舉於鄉

明年登第

五年丙午六年丁未俱有年先是乙巳以前大歉老
稚多流殍者忽東山石上微露字形曰天太平丙
午人不解其意至此有年乃知豐年之兆也

七年八月洪水湮壞人居禾苗漂沒

十九年宋騰貴每斗價六錢

二十年秋大旱禾盡稿

二十一年七月中夜有大星十餘各曳長尾其色慘
澹從西南入於箕尾分野

同安縣志

卷之十三

災祥

六

三十四年有兩虎鬪於三秀山巔俱斃

三十五年甘露降凝木永松柏尤多人爭採爲餽公
車北上者多以此爲贈遺

三十六年三月蟲生遍野食五穀

三十七年戊寅四月廿八晚大雨如注諸山多崩夜
深水漲數丈船挂樹梢橋梁衝壞西門城崩民居
漂沒數千家死者千餘人

四十六年六月十一夜洪水

四十六年蓮花山石裂聲如雷

四十八年八月初一日辰刻昏黑如夜人皆驚駭
四十九年庚寅大歉

五十年六月地震棟宇幾傾七月又大震

五十二年夏大水

雍正二年甲辰八月五方埔陳氏宅產靈芝五莖紺
色金圍是歲里人許琰盧家椿同領鄉薦至丙午
原地復生光彩逾常越春許琰登第選庶常

六年戊申秋旱

十一年癸丑六月廿二日蛟見大雨如注雙溪水暴

同安縣志

卷之十三

灾祥

七

漲東溪尤甚死人從城堞流入廬舍漂沒無數橋
梁傾圮甚多

十一年十月浯洲歐壠湖中忽浮一小渚高四尺許
濶丈餘長十餘丈形如鯉魚四旁水深洞不可測
相傳萬歷閒是湖鳴沸三日夜里人林釭生後釭
登探花拜東閣大學士

乾隆元年丙辰九月初十日日如入有星自西方墜
初青白色後變紅半時始滅

一年丁巳葫蘆山一帶地生珠如綠豆大邑令唐孝

本夢有出珠之水可洗淤之句因築雙溪堤岸疏濬沙泥民賴其利

三年戊午九月虎頭山鳴兩日夜其聲如雷不數日鄉試榜發邑中獲雋者八人副榜二人 國朝以來是科最盛

六年辛酉從順里西浦村有靈芝一莖紫色金圍產於籬中是歲里人陳應瑞登賢書人謂其名有先兆云

七年春大旱邑令李芬禱雨不得乃縛生牡豬像旱同安縣志 卷之十三 灾祥 八 魁斬之大雨立至明曾異撰詩有所雨燒猴豬之句蓋古有是法後人師其事亦時驗云

八年秋有海豚二自涵洲港溯溪流二十餘里至東莊潭止一浮一沉謂之拜風蓋颶將起則現

十一年三月黑蟲食麥岳口一帶蔓延十餘里邑令張荃督民捕之計數給賞三日乃獲蟲三十餘石終未能盡乃偕同城各官禱於義娘廟是日天大雷電以風夜半大雨如注達旦蟲無遺種是歲麥大熟

十三年六月十五日東門外劉天眷宅產芝草長五寸旁一小芽五色絢爛有金線繞之八月二十五日仁德里苧溪璇琳院前產芝草一幹九莖圍可尺許

十四年三月初十日璇琳院復茁芝一本九月又一本皆在原處

十六年辛未春大雪是歲五穀豐稔

十七年七月初七夜大風初八日大水各澳港艤泊大小船有衝至陸地者連抱大木俱拔漂壞廬舍

同安縣志

卷之十三

災祥

九

無數

十八年大疫

十九年四月十八日大水五峯西源一帶溪多浮尸閏四月初六日復大水學署幾淹

二十二年蟲食禾苗歲大歉

二十五年五月大水壞出廬

三十五年六月大水

三十六年正月初六夜西驛保火災延燒店屋五百餘間

三十八年大有年

三十九年春旱

四十五年六月廿八日大水

四十六年春旱五月十八日大水歲歉

五十二年歲旱大歉

五十三年大疫米騰貴

五十五年六月大水

五十七年感化里五峯澳內一帶禾苗變葱不能結

實歲歉五十八年禾苗復變葱

同安縣志

卷之十一

灾祥

十

五十九年八月大水壞田廬

六十年三月四月米騰貴五月每斗價八百文民多

流殍六月早稻大豐米價平減

嘉慶四年四月初十夜蚊見大雨如注雙溪水暴漲

幾浸城版至十一日巳刻水始退壞廬舍漂人畜

無數橋梁多圯百歲老人所未嘗覩云

郵政

書曰不廢困窮詩云哀此勞獨蓋常平社倉之設原以卹貧乏周孤寡也我

朝湛恩廣被薄海內外咸沐深仁偶有偏災卽行賑卹加惠亦孔厚矣若夫普濟存卹以及漏澤園同歸所皆欲使邑之疲癯殘疾枯骨幽魂各有依歸以為里黨之好行其德者勸志卹政

倉儲

縣常平倉在縣西后蘆康熙三十七年縣令李時熙

同安縣志

卷之十三

郵政

十一

建七間雍正八年縣令蔣廷重建九間計一十

六間

箭道倉在縣堂西側雍正十一年縣令胡格建六

間乾隆五年縣令周岱建一十二間共一十八

間

計開

現貯穀石

官捐穀九百三十九石六斗

民捐穀五百八十二石二斗三升七合

舊捐監穀一萬二千九百八十二石四斗六升

新捐監穀一萬二千五百九十四石零五升六合

以上實存額穀二萬九千零九十八石三斗五

升三合

未補舊監穀一千七百八十一石二斗

其實存併未補額穀三萬零八百七十九石五

斗五升三合

社倉穀分發馬家巷下店灌日三角埕西浦新墟

隘頭大路尾洪塘仁風在城蓮花塘古人橋等

同安縣志

卷之十三

郵政

十三

十三批交各社長副收貯共穀七千三百四十

三石七斗一升七合九勺

以上俱知縣管理

廈門恒裕倉在廈港計八十間康熙四十一年始建

乾隆二十七年奉文再建四十二間

現貯穀石

官捐穀五千四百九十五石

舊捐監穀八萬一千九百四十石

新捐監穀六萬七千四百零四石五斗八升五合

六勺

江西穀一萬三千三百五十五石二斗四升
臺屬監穀四萬四千零十石

截曠眷米易穀九百七十二石三斗八升六合八
勺

潮穀三百石

以上額穀共二十一萬三千四百七十二石二
斗一升二合四勺

社倉在二十一都昭塘保社二十二都長塔保社

二十三都仙蓮保社二十四都店前保社將軍

同安縣志

卷之十三

郵政

十三

祠保社鼓浪嶼保社四社中袁厝墓社其貯社

穀四千三百八十四石五斗九升四合有奇以上

俱屬同知管理

金門常平倉在署側計一座四間

現貯穀石

額貯常平穀三千石

社倉穀分發後浦古賢瓊山汶沙陽田倉湖古湖

劉浦大登烈嶼等處交各社長副收貯其穀五

百零一石二斗七合有奇以上俱屬通判管理

舊倉

縣城舊預備倉康熙十九年知縣楊芳聲建倉

五所二十五年知縣徐名觀建倉三間俱在

縣署內雍正八年增修尋復廢

常平倉原在儒學南康熙三十七年圯於水

舊預備倉四束倉在佛子岡下西倉在縣西上

路南倉在縣堂左北倉在縣堂西今俱廢

嘉禾所倉在中左所城內明洪武二十年建今

廢

同安縣志

卷之十三

郵政

十四

高浦所倉在高浦城內明洪武二十年建今廢

金門所倉在金門城內明洪武二十年建今廢

儒學倉在縣學內明洪武年間設以貯官使師

生俸廩後徵本色改折邑倉遂廢

宋朱熹題米倉壁詩

度量無私本至公寸心貪得意何窮若教老子莊周見剖斗除衡付一空

養濟院

養濟院在縣東同禾里四都溪頭村計房舍三十一

間

存卹院

存卹院明成化間知縣張遜創建於慶豐門外後移
東門外計房舍四十二間順治十一年海氛城併
存卹俱毀移建於梵天寺口觀音佛刹之右舍如
舊

育嬰堂

育嬰堂在縣內後廬 國朝乾隆二年建共一十二
閒置田租一十石一斗以資經費緣邑並無溺女
亦無棄孩未經開堂僱募乾隆十七年署縣令熊
定猷議將每年所收租穀畱貯縣倉以為修理東

同安縣志

卷之十三

卹政

五

西溪岸之資通稟各憲批准

普濟堂在廈門鎮南關

觀察蔡琛碑記嘗聞不齊者
生民之氣數轉移者用世之

權衡大畱缺陷則以人事為之補救人有阡危則
求利濟而期得所西銘曰凡天下疲癯殘疾憊獨
鰥寡皆吾兄弟之顛連而無告者推斯語也舉凡
負氣之儔含生之類皆不忍忽視矧牧民者日擊
皤皤白髮呱呱黃口無生之樂有死之哀猶能晏
然已乎甲申秋杪予奉 命調任興泉監司乘別

弊之後首以去蠹除奸察吏安民為務如是者行
之期年尚檣不驚萑苻無聞出作人息人安匪業
之常偶因祈禱雨澤行歷郊野見道旁有遺棄之
嬰兒野外多未埋之齒骸而羸老孤貧又復乞隣
號泣心竊怒焉傷之細求其故蓋廈門內接漳泉
外達澎臺四方來往者實繁有徒一旦旅邸無衣
非零落于陌路卽轉死於溝壑勢使然也而閩人
習俗凡女子遺嫁夫家必計厚奩故生女之家每

斤斤於後日之誅求輒生而溺斃更或貧乏者付不能自存並生男而溺之余思天性寡恩大乖倫理異鄉失路誰切飢溺因與廈防黃司馬謀興普濟堂以代其養黃司馬告以廈門舊有育嬰堂一所規模初備係前署觀察今湖南廉鎮宮所建緣未置義產未治器具以致竟成虛設余首捐廉俸貯庫黃司馬見而欣悅亦同捐廉俸不數月閒聞風慕義者捐至伍千圓署廈防張司馬請置義產余以事聞於制府蘇公中丞莊公方伯錢公廉鎮余公均許其可於是新屋宇治器具定立規條慎重行之易其名曰普濟期事有所兼及惠有所並施也其大端或僱乳母以哺嬰孩或募老嫗以恤弱小或給口糧以養衰老或設醫藥以周貧病或施棺木以瘞旅亡或掩骸骨以免暴露俾少有所長老有所終生遂死安而已其細目則爲之立年限以定婚嫁隨寒暑以給衣食嚴內外以密防範別勤惰以分賞罰治膏腴以供經費選方正以司出納一年之用度幾何終歲之收養幾何堂有

同安縣志

卷之十三

郵政

共

書記官有冊籍班班可考庶幾期斯堂於不朽耳非所謂生民不齊之數天畱缺陷之事將求利濟而期得所者以行補救之術也哉維時其勸其事者則有提帥吳公臺灣總戎甘公觀察張公郡守秦君興化守佟君泉州守陳君永春牧嘉君海關司權彭君中衡參戎朱君署中衡遊戎金君廈門司馬黃君建寧司馬張君金門別駕梁君莆田王令仙遊胡令晉江方令惠安楊令南安靳令安溪朱令同安吳令德化王令大田汪令與夫庶司眾職各捐廉俸有差而鷺門之薦紳父老官司職役尤懽忻鼓舞相樂輸而無吝色猗歟休哉何善之所歸人有同好竟若斯之不謀而合捷如轉圜者歟余因始其事志其行爲之刻石以紀其一石紀官爵姓氏施與數目所以明不朽也又一石紀批詳年月田畝錢糧所以垂永久也若夫林林總總孳息彌蕃存活日益多經費日益廣俸斯堂之得以常畱而不墜老少之永享利賴而無窮則侯夫後之君子余實有厚望焉是爲記

義塚

瀟澤園在大輪山東舊在第一溪旁

長興里義塚在峯寮保陳欽寮

從順里義塚在杜橋左

同禾里義塚一在行軍塘邊一在石溥李舍埭上

民安里義塚在馬家巷鄉東邊

感化里義塚

一在第一山後
一在路下王羅山

一在西洋後坑仔
一在十班行後山

安仁里義塚在灌口鄉鳳山

仁德里義塚一在三脚榕一在盤窰鄉

同安縣志

卷之十三

郵政

七

積善里義塚二所一在狗林山等處一在高祖山西

南北二面處士李其復買置

翔風里義塚在十二都後寮嶽

嘉禾里義塚二所一在草仔安一在鎮南關

歸得里義塚二所一在杜塘上至鎗刀巷頭明陳基

虞捐置一在郊尾保牛壠頭葉娘子捨

西貢保大小溪義山泉州府知府張無咎捐建

同安縣知

縣李蘭記同之西山曰大溪亘數里為小溪自鳳尾石室而來孤星嵯峨望月險峻參差並峙莫可端倪下成深溪有玉筋瀑布諸勝層巒疊翠幽壑流碧土膏腴草豐秀可以樵可以葬厥初為陳氏

絕產糧累通保爰公其業為義山彼都人士巨巨而伐之不封不樹喪葬無數其所由來者漸矣海氛起版籍亂鄭伯攘而有之樵有抽葬有稅不義孰甚鄭亡歸於藍藍提效其尤禍更炎藍獲罪變價入官權蠹傳忠董其事吳世明者與忠為私親承買陳庫保藍山影射據占奪人草束成人墳墓義山之名已漸滅不復問矣子承乏茲士訟而待理者幾數人方有事於此適太守涖同發奸摘伏捐清俸償部價俾復其舊待晨炊保枯骨者皆曰微太守之力不及此夫東坡堤廬陵亭合浦池宏農河皆賢太守所以垂不朽者然佳山勝水軼事芳名僅供憑弔騁懷遊目俛仰畱連入人不堪深而感人亦不甚切今日溪之上扶老攜幼薪之煥之鬱鬱佳城子孫保之仁人之利溥哉太守其以義為利者歟太守為誰張諱無咎號惕菴山東掖縣人余忝作屬吏述道上口碑勒之於石以誌一時之盛云

同安縣志

卷之十三

郵政

六

同歸所在梵天寺左

朝林志遠碑記戊子年八月同安城陷凡在城者皆崩角而膏

白刃先是城未破礮矢相及死者亦無算于是僵尸盈衢朽齒蔽路三秀山僧無疑與悲憫心親裹拾而聚化之已復散埋之所收埋以萬計屬水漂壞塵飛骸暴無疑乃復卜地城東北坳而許一龍捨地廣八丈餘長十三丈中畫五坎以藏骸灰築四週石覆其上負山挹溪枕庚趾甲在梵天寺左前里許巨信大師將赴溫陵道經輪山命其域曰同歸所立石以表之嗟夫生寄也死歸也釋其冤纏同趨解脫則無生無死還本而反始也亡者其尚無恫哉事始于庚寅七月三日畢工于八月念八日上自宰官下及負販各以願力施捨共成仁義邑人陶菴林志遠干其瘞也祭之以文并勒記後垂諸

骷髏墳十一所永安臺在廈門鎖南關下大路邊有

碑

得安所在東門外第一橋塚下有碑訓導汪芷記
樂歸所在恭祀亭后塚中

同一所喜遇所丁財所義應臺同會一處俱在大輪

山塚中

善樂所在長興里上峯麗村石右

義安臺在東門外店仔尾塚中

欣喜地在輪山東關邊塚中貢生葉輔國僧願知收

造

同安縣志

卷之十三

郵政

九



同安縣志卷之十三終